

# Uprava policije - Slobode lišeno 11 osoba

13.02.2020 10:31

Dana, 12.02.2020.godine, nakon višemjesečnih planskih istražnih mjera i radnji, policijski službenici Uprave policije MUP-a TK (Sektor kriminalističke policije/Odsjek za borbu protiv organizovanog kriminaliteta i Odsjek za borbu protiv privrednog kriminaliteta i korupcije) su, postupajući po naredbi Općinskog suda u Živinicama, izvršili pretrase na više lokacija na području Živinica.



Prilikom pretresa, pronađena je i privremeno oduzeta veća količina novca, veći broj mobilnih telefona, fiskalne kase, nalazi za plaćanje, automatska puška, lovačka puška, tri pištolja, veća količina municije i četiri putnička motorna vozila, kao i drugi predmeti koji se mogu dovesti u vezu s izvršenjem krivičnih djela.

Slobode je lišeno 11 lica i to: V.A. rođen 1972.godine, F.B. rođen 1970.godine., B.Dž. rođen 1965.godine, V.E. rođen 1976.godine., Š.R. rođen 1956.godine, V.K. rođen 2001.godine, Š.D. rođen 1976.godine, M.F. rođen 1967.godine, S.B. rođen 1962.godine, D.F. rođen 1968.godine i Dž.A. rođen 1974.godine, zbog postojanja osnova sumnje da su počinili krivično djelo Udruživanje radi vršenja krivičnih djela u sticaju sa krivičnim djelima Lihvarstvo iz člana 298., Zloupotreba položaja ili ovlaštenja iz člana 383., Pranje novca iz člana 272., Neovlašteno bavljenje određenim zanimanjima iz člana 364., Davanje dara i drugih oblika koristi iz člana 381. i Neovlašteno držanje oružja i municije iz člana 371. Krivičnog zakona Federacije Bosne i Hercegovine.

Navedena lica su privedena u službene prostorije radi kriminalističke obrade, a danas (13.02.2020.godine) će uz Izvještaj biti predata Kantonalnom tužilaštvu Tuzlanskog kantona na dalje postupanje.

UPRAVA POLICIJE MUP-A TK

---

*Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>*